

ZAKON

O PRESTANKU VAŽENJA ZAKONA O PRAVIMA DEMOBILIZIRANIH BRANILACA I ČLANOVA NJIHOVIH PORODICA

Član 1.

Zakon o pravima demobiliziranih branilaca i članova njihovih porodica ("Službene novine Federacije BiH", br. 61/06, 27/08 i 32/08), prestaje važiti 01.05.2010. godine.

Član 2.

Nakon stupanja na snagu ovog zakona neće se uzimati u razmatranje novi zahtjevi.

Član 3.

Korisnicima koji su ostvarili pravo na novčanu naknadu za vrijeme nezaposlenosti isplate će se vršiti zaključno sa 30.04.2010. godine.

Pravno dejstvo rješenja po kome je ostvarena naknada po Zakonu o pravima demobiliziranih branilaca i članova njihovih porodica prestaje važiti 30.04.2010. godine.

Neisplaćene naknade koje su obračunate na osnovu rješenja koja su izdata do stupanja na snagu ovog zakona (zaostale a neisplaćene naknade), ostaju kao obaveza organa propisanih Zakonom iz člana 1. ovog zakona.

Član 4.

Korisnicima koji su pravo na penziju ostvarili na osnovu Zakona iz člana 1. ovog zakona vršit će se isplata penzije u skladu sa rješenjima kojima je to pravo priznato do donošenja jedinstvenog zakona o povoljnijem penzioniranju učesnika odbrambeno-oslobodilačkog rata.

Član 5.

Ovaj zakon stupa na snagu narednog dana od dana objavljivanja u "Službenim novinama Federacije BiH".

Predsjedavajući
Doma naroda
Parlamenta Federacije BiH
Stjepan Krešić, s. r.

Predsjedavajući
Predstavničkog doma
Parlamenta Federacije BiH
Safet Softić, s. r.